



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423

Broj: **UP-I/25-3-40-036-3/21**

Datum: **23.02.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „MESNICA BEGO“, obrtnička djelatnost u vlasništvu Osmanović Samira iz Sanskog Mosta, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i ispuštanje tehnoloških otpadnih voda sa lokacije klaonice papkara, sitnih i krupnih grla sa pratećim sadržajima, izgrađenog u Ul. Aleja Šehida bb, općina Sanski Most, na osnovu člana 109. stav (1) tačka 2. i stav (2) tačka 1., Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „MESNICA BEGO“, obrtnička djelatnost u vlasništvu Osmanović Samira iz Sanskog Mosta, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i ispuštanje tehnoloških otpadnih voda sa lokacije klaonice papkara sitnih i krupnih grla sa pratećim sadržajima, izgrađenog na zemljištu označenom kao k.č. broj 74/1 K.O. Sanski Most, P.L. 5662, Z.K. izvadak br. 022-0-NAR-21-000 326, Z.K. uložak broj 8, K.O. Sanski Most od 27.01.2021.godine, općina Sanski Most.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr..
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta tehnoloških otpadnih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije, („Službene novine Federacije BiH“, broj 26/20). Učestalost i način ispitivanja vršiti u skladu sa članom 20. iste Uredbe. Rezultate analiza dostaviti ovoj Agenciji.
 - 3.2. Da su uzorci kvaliteta i kavaniteta otpadnih voda u granicama vrijednosti ispitivanih parametara definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20), te zadovoljavaju granične vrijednosti emisije otpadnih voda.
 - 3.3. Ukoliko vlada kantona propiše dodatne (strožije) uvjete za ispuštanje otpadnih voda, od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20), podnosilac zahtjeva je u obavezi iste ispoštovati.
 - 3.4. Da pravno lice ishoduje i dostavi na uvid okolišnu dozvolu od nadležniog kantonalnog ministarstva Vlade USK.
 - 3.5. Da pravno lice, u toku važenja ovog Rješenja, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja stoke, pranjem opreme, uređaja i alata, te pranjem podova i radnih površina kao i iz objekata izgrađenih u krugu predmetnog proizvodnog kompleksa, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.6. Da korisnik obavezno praktikuje suho čišćenje radnih površina, prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.

- 3.7. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.8. Da se nastalo đubrivo i osoka iz objekta štale koja je u funkciji smještaja stoke prije klanja, redovno sakupljaju u odgovarajućim vodonepropusno izvedenim đubrenicima i osočarama, a koji će se periodično prazniti u svrhu đubrenja poljoprivrednog zemljišta.
 - 3.9. Osoka iz osočare ne smije imati izveden preliv u okolno zemljište ili u teren.
 - 3.10. Da se privremeno i konačno zbrinjavanje klaoničkog konfiskata koji nastaje u postupku klanja i obrade trupla kao i drugih nusprodukata, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 3.11. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.12. Otpad koji nastaje u postupku klanja i obrade trupla kao i drugi nusprodukti, te mulj iz postojećeg betonskog taložnika za prečišćavanje otpadnih voda, ne smije se odlagati na česticu «vodno dobro», odnosno u vodotoke i na njegove obale.
 - 3.13. Da se čišćenja i pražnjenje taložnika i septika vrši isključio od strane ovlaštenog pravnog lica za predmetne djelatnosti, prema posebnom ugovoru. O načinu i vremenu radova održavanja neophodno je voditi službenu evidenciju i arhivu.
 - 3.14. Nosilac prava iz vodne dozvole je obavezan pridržavati se svih mjera i uslova, propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole
 - 3.15. Da se oborinske vode sa krovova objekata kompleksa prikupe i zatvorenim sistemom kanalizacionih cijevi odvede direktno u recipijent – rijeku Sanu.
4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, pravno lice, „MESNICA BEGO“, obrtnička djelatnost u vlasništvu Osmanović Samira iz Sanskog Mosta je dužan provoditi sve mjere i aktivnosti propisane istom.
 6. Ukoliko prilikom upotrebe predmetnog kompleksa objekata za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja..
 10. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „MESNICA BEGO“, obrtnička djelatnost, u vlasništvu Osmanović Samira iz Sanskog Mosta, obratilo se ovoj Agenciji dana 28.01.2021. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta i ispuštanje tehnoloških otpadnih voda sa lokacije klaonice papkara sitinih i krupnih grla sa pratećim

sadržajima, izgrađenog na zemljištu označenom kao k.č. broj 74/1 K.O. Sanski Most, P.L. 5662, Z.K. izvadak br. 022-0-NAR-21-000 326, Z.K. uložak broj 8, K.O. Sanski Most od 27.01.2021.godine, općina Sanski Most.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Kopija Kupoprodajnog ugovora o prodaji i kupovini poslovnih prostorija prodavca - stečajnog dužnika ZZ „Poljoprom“ Sanski Most i kupca Osmanović (Ibrahim) Mehmed iz Sanskog Mosta, broj ugovora OPU-IP:1492/2010, zaključen dana 27.10.2010. godine, u Sanskom Mostu, pred notarom Trožić Šefikom,
- Kopija Rješenja o prijemu radova na objektu klaonice ZZ „Poljoprom“ OZO Sanski Most, broj 360-5 od 12.05.1986. godine izdato od strane Opštinske komisije za urbanizam, imovinske, građevinske, stambene i komunalne poslove Sanski Most,
- Idejni projekat i investicioni program (kopija) za rekonstrukciju i dogradnju klaonice AIPK – ZZ „Poljoprom“ – OZO Sanski Most od 16.03.1984. godine (sa tehničkim rješenjem vodovoda i kanalizacije sa ugrađenim mastolovom i taložnikom),
- Zemljišnoknjižni izvadak za parcelu K.Č. 74/1 na ime Osmanović (Ibrahim) Samir broj 022-0-NAR-21-000 326 od 27.01.2021. godine izdat od strane zemljišnoknjižnog ureda Općinskog suda u Sanskom Mostu,
- Ovjerena kopija Rješenja o odobrenju obavljanja obrtničke djelatnosti Osmanović (Ibrahim) Samiru pod nazivom „MESNICA BEGO“ u Ul. Prijedorska br. 24. Sanski Most, izdato od strane Službe za razvoj, poduzetništvo i resurse Općine Sanski Most pod brojem UP-1-02-17-1461/20 dana 23.09.2020. godine
- Ovjerena kopija Uvjerenja o poreznoj registraciji, izdanog dana 24.09.2020. godine, od strane Federalnog ministarstva finansija, Porezne uprave Federacije BiH – Kantonalni porezni ured Bihać,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdanog 11.11.2020.godine pod brojem 04/1-17-1-UPJR/1-6055-2/20, od strane Uprave za indirektno-neizravno oporezivanje BiH u Banja Luci,
- Ovjerena kopija lične karte vlasnika obrtničke djelatnosti Osmanović Samira,
- Kopija Rješenja o prethodno izdatoj vodnoj dozvoli broj UP-I/25-3-40-838-4/13 izdato 13.01.2014. godine od strane Agencije, za objekat klaonice papkara sitnih i krupnih grla sa pratećim sadržajima na zemljištu označenom kao k.č. broj 74/1 K.O. Sanski Most, P.L. 5662, Z.K. izvadak br. 022-0-NAR-21-000 326, Z.K. uložak broj 8, K.O. Sanski Most od 27.01.2021.godine, općina Sanski Most,
- Uplatnica upravne pristojbe i federalna administrativna taksa,
- Zaključak o visini i roku za plaćanje posebnih troškova; izdan od strane ove Agencije pod brojem UP-I/25-3-40-036-2/21 dana 29.01.2021. godine, te kopija uplatnice za iste,
- Izvještaj o monitoringu kvaliteta i kvantiteta otpadnih voda klaonice i prerade mesa obrta „Mesnica BEGO“ Sanski Most, broj 1556/20 od 28.12.2020. godine, urađen od strane Inspekt – RGH doo Sarajevo, sa rezultatom da parametri kvaliteta otpadne vode zadovoljavaju kriterije prema Uredbi o uslovima ispuštanja otpadnih voda u okoliš i sisteme javne kanalizacije,
- Račun broj 221000-1120-000174 fiskalni broj 5493 izdat od strane JKP „Vodovod i kanalizacija“ Sanski Most o praznjenju septika dana 17.12.2020. godine
- Foto dokumentacija je arhivirana u računaru, sa uviđaja na licu mjesta.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled poslovnog objekta klaonice papkara sitnih i krupnih grla sa pratećim sadržajima „MESNICA BEGO“ vlasništvo Osmanović (Ibrahim) Samira iz Sanskog Mosta, i tom prilikom sačinjen zapisnik o uviđaju broj: UP-I/25-3-40-036-2/21 od 09.02.2021. godine.

Poslovni objekt klaonice papkara sitnih i krupnih grla „MESNICA BEGO“ vlasništvo Osmanović (Ibrahim) Samira iz Sanskog Mosta, je izgrađen u Ul. Aleja Šehida bb, općina Sanski Most Objekt klaonice je ograđen betonskim zidom do rijeke Sane, te žičanim pletivom visine cca 2 metra sa ulazno-izlaznom kapijom, objektom štale za prijem stoke, mastolovom i taložnikom te septikom te internim manipulativnim betoniranim površinama i zelenilom.

Tehnološki postupak počinje dovozom stoke i prijemom u objekat štale. Iz štale, stoka se dovodi u prostoriju za klanje. Nakon klanja se vrši iskrvarenje, skidanje kože i vađenje utorbe i iznutrica te rasjecanje trupla na dvije polutke. Polutke se potom odnose do prostorije za rasijecanje mesa (ako svježe meso idu u maloprodaju) ili u hladnjače (ako je predviđeno zamrzavanje mesa). Rasječeno svježe ili zamrznuto meso se potom transportuje do maloprodajnih mjesta.

Objekat nije spojen na javni kanizacioni sistem općine Sanski Most zbog nepostojanja mreže u tom dijelu grada, a općina nema u kanizacionom sistemu prečistač otpadnih voda.

Objekt je priključen na javni gradski vodovodni sistem za potrebe sanitarne vode i vode u tehnološkom postupku čišćenja i održavanja radnih prostora, kao i za pranje i čišćenje trupala od krvi i sadržaja utorbe. Radne površine su obložene keramikom radi lakog čišćenja i održavanja, sa ugrađenim slivnicima za odvod otpadnih voda. Krv sa prostora za klanje i iskrvarenje stoke se cijevnim sistemom odvodi do taložnika i septika, čiji je preliv spojen u rijeku Sanu. Otpadne vode sa radnih prostorija za rasijecanje i obradu mesa te sa prostora za hlađenje mesa se kupe putem slivnika i odvođe preko mastolova do taložnika i septika.

Oborinske vode sa krovova, internih saobraćajnih i parkirnih površina koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa istih se kupe putem slivnika i odvođe u septik te prelivom ispuštaju u rijeku Sanu.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama članova 53. i 116. Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i članova 12. i 13. Pravilnika o sadržaju, obliku, uslovima i načinu izdavanja i čuvanja vodnih akata, propisani uslovi kojih se investitor ima pridržavati.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „MESNICA BEGO“, vlasništvo Osmanović Samir, Prijedorska br.24., 79 260 Sanski Most
- ☐ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava